

湘綺樓日記

光緒十六年庚寅

湘綺樓日記

十六年庚寅正月壬寅朔陰晨醒早起遲祀

三祀

三廟已及食時矣王生胡子勛揚兒胡郎均入見夜與妻女鬪牌至子罷還樓寢有雨

二日陰一日未見客午睡起鈔史贊一葉看元史半本夜鬪牌至丑罷三日陰晴有風點史半本鈔史贊半葉午後鬪牌夜假寐遂至丑初始醒房嫗猶未睡移鐙解衣卽寢

四日陰出城展

墓南出東還微雨雲開郊原秀野城門早閉比入未晡已半掩矣五日雨竟日鈔史贊一葉看元史二本刑法志雜鈔條律極可笑唯作后

正 妃宗室宰輔表亦可笑也笠雲來

六日雨見郎來今日約兩局須早出未暇陪客及出已過午竭蹶可笑至

四 呂月峯處酬其前意至熊鶴翁處約行酒令客唯王湛園子先在觀弈

二局恪士伯嚴來擲升官圖日已將暮至陳舫仙處諸公畢集相待行

三 禮至東廳團拜 文鴈逸鏡五翰林李陳兩總兵揚郎李三紅頂陳革

二 員傅郎唐八牛叔從陳定生陶少雲與余凡十七人設三坐看鐙戲喫

赤腳魚翅席二更散還鬪牌喫包子子初寢鈔史贊一葉

人日晴史贊畢三國一卷將並元史合成二本以了廿史之業此事大不

易了宜乎曾滌公虛願未償也

八日晴看元史補作贊至終日乃休

九日晴街乾可行懶出且齟齬點元史補贊和熊鶴村詩

十日晴商農來談湘人故家衰落可待筠仙招飲未赴點史補贊

十一日晴齷愈始飯呂月峯送名條求轉交越督點史補贊夜看鐙市步月還寂寥無可觀

十二日晴煊周姓人自言周環子孫來辨斬龍殺人之誣問筠仙鈔錠多少未得確證瞿海漁來

十三日晴煊補贊點史涂山客及三僧黼堂來云祝金蓮殉主武人姬妾多輕生重恩亦一時風氣也將出嬾行遂止半日鬪牌

十四日晴稍涼補贊點史陳伯嚴來午後鬪牌夕至黃親家處經年未過從以簡御簡亦太簡矣待迎春至子初乃寢

十五日丙辰立春晴光甚麗羅順孫曾重伯筠翁來言湘水行輪船事夜

月劇佳祀

壽嵩一老耶來已行
乞且病將爲道殮矣

祠

廟畢免賀節但喫湯丸鬪牌至夜分熊嫗來求爲其子送入義學

十六日晴極煊清衣箱正可夾衣午出答拜王闓青卽詣逸吾新居會飲
看戲設八席城中士夫大半皆至以徐芸翁最老十年七十八主人從弟菊生
最少正紳多趨文卿異紳多趨闓青且云已放閩撫矣有一都司與尙
書對坐亦異事也擁擠紛紜復似程壽星做酒時余與文卿海鵬最後
散還始亥初耳

十七日晴煊買舟上湘君豫遣相聞因步訪要至家談半日黃親家來亦
坐半日檢書帶至湘潭唯經史詩三種需用餘皆高閣矣補贊搢子來
云無錢納稅須貸銀一兩餘亦可歎也嚶嚶當文宗時請置宣文閣崇
文監檢討等官十六員以備經筵進講

十八日晴煊夾衣猶熱知當大風待船久不至檢器物盡散失焚餘所存
尙無人愛惜生平銜箸之癡可大悟矣蘇四傍晚始來已不及行夜起
大風遂寐無爲

十九日風大雨小書箱已去端坐聽讀詢諸兒女以恆兒從學之故無能
知者以余善誘而不能訓童萌信所謂中人以下不可語上故欲見郎
以至淺近者誨之然亦未必能開其茅塞聊盡吾心耳竟日檢點物多
遺毀甚愠家人全無照料頗有責懟之詞旣而悔之夜與臆緹率兩女
鬪牌

廿日陰風息船人促行沈子粹來得凌善人書送蘇軾三百午間一老耶
來面目殘毀云病不起余無以拯之急出門登舟蓮弟自定一嫠婦施
氏爲妻久欲爲外家續一脈資其昏費便令熊軀伴之上湘鄉居已先
在船矣恩恩卽發忘攜筆研竟日擁被睡不食夜數起數眠五更泊萬
樓蘇都司同行

廿一日陰晨至觀湘門遣約石山弟來要同至鄉莊起屋開枝兒姪逃農
出作閒民亦勒令回鄉往還三次已過午矣移泊沙灣換撥船將行時

薄暮遂止夜月大霜男女主客臥一倉余支二椅中橫臥一轉側須起立乃能回身凡六七轉卽六七起然甚煖軟未覺苦也

廿二日大晴南風晨發甚遲泊姜畬未上迪亭率兄子來見立談頃之仍發夕至山塘移家具未畢已初更矣布置稍妥分散各睡

廿三日晴族子卅來言其父請早飯並云有客朝霜未消待晞而往少坐飯半孟石山留談余先返欲遣開枝父子相見因令昇往迎之頃之四兄先來馮甲總亦至木匠文趙俱來飯論作屋工價未定馮甲欲包土工估工五百石山云不多因令及吉日開山至晚乃去看史補贊爲蘇四作書與于晦若

廿四日晴午後陰蘇四去石山亦往橋市竟日未還鄉人譚周及甲總劉姓來許生來土工四人木匠一人及三子皆來食近斗米矣鄉中惟以飯聚衆周官得民者九此亦富得之支流也看史作贊終日伏案近歲

以今日爲最勤

廿五日晴煊換絲衣迪亭及兄子來元史年代參錯大整理之不能作贊

每日點閱一本

廿六日陰築牆起工土木紛紜請石山主之買灰石潭馮甲總主之點史

畢邀石山訪四哥於顏閣塘又游雲峯菴還已暮夜檢譜冊

廿七日晴大煊木瓜寶珠花俱開南風甚壯有似初夏點史作贊夜可納

涼四更後轉風檢譜冊

廿八日北風大作至夕愈壯吹瓦擺樹氣亦驟寒然尙非春寒也笏子婦

彭來言將嫁女鋪蓋未辦欲假錢十千姑飲之茂修復來欲訟叫雞正

言拒之默默不得意點史作贊鈔譜冊竟日未閒夜與石山談家事寫

對四幅譚心可母尙少一聯須補送

瑤島百年鵲闌譜共傳歸養樂
玉關游子綈繡衣長話倚閨憂

廿九日庚午雨水大風頗寒時有雪陳順來送伯甥書檢譜冊點史一本

夜霰

二月辛未朔陰鈔譜冊畢點史一本蘇都司還正欲還城留與同去復楚寶書

二日陰資用將絕入城謀之覓舟不得乃舁行至姜畚四老少妻復在乾元相待與以四千留飯而行遇雪獅還葬送者寥寥憶壬戌相遇時正如冰炭惟我依然栖栖也行至城中已上鐙矣試入聞春湖子筠皆在又申前議兌得百千船到橋直果然因附九十六千入鄉營造欣然買舟春湖留飯乃行已初更矣行一夜猶未至城微雨如塵天黑不辨上下

三日陰晨雨到城乃止地溼如經日雨者從大西門入家人方起剃髮登樓點史一本暮出泥滑不可行至撫署而還

四日陰晨點史一本與書唁譚心可將出買木器道更滑於昨日蓋夜又

雨也午後攜真女純孫游花園遇吳贊清同知遊浩園與笠僧至廊下折櫻桃已將殘矣乃更早於蜀今年春氣快也王七十一元史忠義傳蘇軾運到久未取始遣運回

五日晴寒點史一本出詣筠仙未遇攜女孫看花還獨往荒貨店及衣莊看木器皮服過熊老翁處小坐看李西涯詩刻還頗倦早眠真女復上樓睡

六日陰點史一本土工治堂壁前門無人照料乃獨出訪蓬海見郎黼堂王石丞見郎不遇蓬海甚衰老黼堂亦瘦可憐也看京報王秉恩被劾罷去年此日正得意游子爲不近情矣亦張郎有以致之凡一荒唐人必害其同類一二人而已故無恙也以云鬼不勢利何時運之不同落溷飄茵語太籠統點元史一本明日可以畢工夜雨

七日雨寒點元史一本五十本兩年始畢猶爲勤力周苻農所謂貼上竹

竿也見郎攜輿兒來寄禪來致程郎書並示彌之游詩格韵衰退尙不及禪作可慨也丁祭燔肉不至蓋以余未入城也

八日雨寒作史贊四首祠祭齋居諸女散學醵輒畢工始有整潔堂階蓋九十年家無此制矣敗易興難可爲深懼比之諸官人彈指樓臺者又不相侔也夜視濯概輿兒歸

九日雨甚寒晨起待事至辰巳間乃行事祔祭

考廟初獻後誤再稽爲三叩臨事懵然衰如奪魄不勝慚懼午間約見郎胡子夷子靜兄弟楊紹麓餽食至夜散風雨步行亦反勞客

十日陰寒有雨補史贊檢書箱夜聽懿兒講詩輿上學去

十一日陰寒補史贊楊商農來看京報二旬萬壽加恩免禮蓋 欽獻篤

慈不依穆典又不欲張大以取諫諷然代言降 詔已近恢夸不若一

以慈旨從事此則施行之未審耳

轡 盧金井廢園尋春見櫻桃花感賦
玉窗長別分今生不見淚痕彈粉

春夢潛窺相達傍晚亭亭似問背人處倩妝誰認朝雨香殘斜門烟
耐他思付常時上林芳訊見玉妃侵曉掠亂雙鬢妒天桃占東
風不穩如今瘦損悔去前度挂心提
恨又欲成陰一時判與早鶯銜盡
夜寒腳凍春霜威猶如此有月

十二日晨雨旋止陰寒稍霽清書看小說休息一日夜門牌

十三日晴逸梧片來問詞牌名未得裁女生日兩女放學作餅方食伯嚴
來報聶郎得滬關此等遷除前代未有權姦與藩鎮表裏而一出於大
公方知墨敕斜封爲有綱紀璫自衡陽來省母兼嫁妹也外孫女名帶
孫半歲矣其從嫗曰二老姆顧工戴盈科皆淳樸自一山川竟日閒遊
隨手看書九九八比均有悟入老將智矣宜孔子有加年之歎

十四日晴路始可行逸梧雨珊王令先後來當上湘料理覓船待發俟飯
後黃昏矣登舟卽眠頃之聞風濤振舵聲以爲兩船相傍波搖舵轉也
聽久之無人語起看煙瀾空靜明月清佳惜寒重未能獨賞耳泊東獄

澗

十五日乙酉驚蟄晴晨見日光船人尙臥知爲逆風也支版爲案聊起寫書夕至萬樓久之乃泊觀湘門登岸至賓興堂正遇廸亭云錢尙未兌與過馱子家遇硯甥云子雲得曾孫已還家矣還至堂中蕭某爲主人甚倉卒頃之沈子粹擗子來蘇三來送被遂眠

十六日家忌不外食晨起待蘇三不至子粹復來談已初始至沙灣誤行正街至壺山折還循湘岸至周益泰迪子蘇三均先至上船卽發微雨時作晡至姜奮迪上岸去日已夕矣旣夜乃至炭堂暗行見房中燈火甚盛久之乃至熊嫗在房余同石山同房土工猶未及十之三營造信不易夜改包工議自往買木料蓮熊合而生子余欲掩其事故留熊於鄉

十七日陰檢元史悉列諸人名次其前後各以一語志之亦殊可樂鄉人來者相繼頗倦厭於酬接

十八日雨陰土工禁戍停一日算帳檢元史

十九日雨陰觀音生日爆竹聲喧獨遊林中久之始返作贊頗有條理鄉人頗有賀生子者爲之匿笑

廿日晨雨朝食後止呼昇夫從姜畚詣蔡飲小坐乾元剃髮山行久之乃至外舅家其家人半往翁家黃昏與循還同食看園花

廿一日陰叔止言木料須匠自買付錢八十千請石山召匠包辦令三夫力還山塘余留一日

廿二日晨起欲行大雨不果復留一日與妾喫切麪條雨風竟日看宋人小說本朝古文

廿三日大晴將行已晏叔止約同船下湘余以須兩昇煩費不如陸行徑省蔡家俱言覓夫甚難乃飯而行過訪李杞三兄未正至城久坐正一堂乃知石亭八父之子乃晉菴弟寓此其子初不相識亦未呼之堂懸

聯款署士達而字非七父書也昏乃成行至蔣步覓船湘水暴漲索價一千命划船包顧回旋波浪間凡三四還反得一划子僅容一人竟去錢七百然勞險殊劇夜半雨又至泊枯石望

廿四日雨晨泊草潮門誤機糞池側急登岸叔止先去余至家詢之已寓客店矣飯後乃來旋去安研樓中寂靜無事

廿五日雨朝食時叔止來要功兒出買衣物余出訪又銘筠仙曾郎陳淀生黃郎俱久坐還已昏暮中過易雲階兒仲晦家不遇黃宅請易代媒也

廿六日晴陳總兵來飯後訪逸吾文卿至叔止寓中不遇還寫韻看京報聶緝渠得滬道江人鏡得淮運許仙屏得河督趙環慶守吾郡

廿七日晴約曾介石午飯不至招叔止來又銘鄧元郎來留鄧飯亦辭去
設食不旨寫韻殊無眉目

廿八日戊戌社日陰晴有雨文卿李佐周幼梅羅郎陳伯嚴陳浚生黃郎望之俱來久談彌之赴繼母喪朱郎喬生送羅幼官乾館摺子來云王詩正大有更動張雨珊得襄辦亦乾館也吳嫗來求貸未有以應之佐周約陪郭王丁楊小郭均在坐又有一胡子號直臣不知其姓食亦不旨夜散有雷

廿九日雨日記差一日案其事殊不差紂問箕子亦非全憤憤也王石丞暴死閱鈔報蔣壽山亦死嵩丘之遊少一東道人命迅速塵事遂巡余生平行事往往後時方笑己之匆忙不知時之駒隙也鄧三郎求書于篁仙久不通問矣爲作兩紙與之丁次谷言歐陽蓮使家一婦人闌入提其子婦置牀上乃向索銀物則自起開篋與之此等人舟中多有今徑入深閨可謂鶻突也歐陽家在窰女家對門問之乃不知有此檢韻一日稍有把握朱字恬送羅摺陳裕三竟不送左摺當往催之左婦自

來問信

卅日庚子春分雨竟日出答朱郎陳鎮並不遇便過胡氏諸郎談文詣見
郎書齋設賓主之拜過李幼梅還小愒復昇往筠仙家陪任芝田坐客
陳鎮彭萬樵左佩勳殊爲總雜夜還獨坐又嫌岑寂

閏月辛丑朔陰寒鈔韻簫唐來致賓興堂書求改胡椒客兩條此事戲筆
無益徒增口舌易笏山嘗規余修詞不立誠亦有見也後當忍俊復書
遣去

二日陰登臺看湘波霧滃雨從西來饒有春景寫韻竟日檢英華尋顏廟
碑未選但選郭廟文耳此書平生未嘗通閱可爲送老之間課也任芝
田來夜雨有雷大風

三日雨寫韻竟日

四日晴遣蘇三送書往縣並與書徐子筠鄧沅郎求書于篁仙可謂奇想